

忻州志卷九

知忻州直隸州事方戊昌編輯

城池

州城始築於後漢末西跨九原後魏肅宗熙平二年九月
又城肆州所治九原唐宋因而新之周九里二十步城
高二丈五尺池深一丈七尺明洪武三年知州鍾友諒
重修嘉靖十六年知州李用中加修二十八年周夢綵
濬隍治垣增設敵臺復以積雨城圯十之六七倡議捐
修躬親督視衆力不作旬日而大壞者完狹辰而半頽
者葺增卑繕陋逾月訖工萬曆二十四年巡撫魏公允

貞捐課金以贄磚石檄委太原府同知賈一敬知州張堯行董其事經始於四月訖工於二十六年十月磚厚七重石基八尺高四丈二尺周二千一百九十丈有奇墜三重深二丈闊丈餘四門東迎暉更名永豐南康阜更名景賢西留映更名新興北鎮遠更名拱辰宗伯余繼登記東北角墜三重蹟存餘止一重南北門外皆有關廂築郭

國朝因之乾隆九年十一月巡撫阿公遵

旨查辦城工檄飭確核估計經前知州謝廷琪查明城垣里數丈尺並城樓損壞除舊存物料外將應行添補物

料工價共估銀六千六百四兩二錢五厘具報在案十一年四月初四日巡撫阿公奏請將晉省應修城垣先後估需工料銀兩數目並酌議配定分年修復處所彙開清單進呈單開自己巳年興工始忻州城垣派在第五次應於乾隆癸酉年興修動撥節年積剩耗羨添湊敷用等因有案嗣於道光三十年前知州華典將坍塌過甚處略補葺旋即停止自我

朝乾隆十八年修後已百有餘年上溯前明萬曆二十四年迄同治年間近三百年爲時既久傾頽日甚前知州戈濟榮首先倡捐邀集紳商節次勸諭俾經費無絀經

始於同治七年四月迄同治九年十月所有工程一律竣事通詳有案現在規模崇煥高城深池不僅壯觀瞻資捍衛已也

楊維嶽曰地險山川邱陵也王公設險以守其國郡縣自西來北少擁護議者欲將負郭地栽榆柳挑品窖以時濬之良善但此地東宜稼南北宜圃小民止計近利栽木而奪稼圃其誰與我况肯捐以挑窖乎往年聞警暫挑既堪禦虜又免濬治且不失栽種宜從民便惟是北壕土鹵易頽外無居民宵行取捷者多闌入藩衛未固頻繕爲難竊謂愚民狎於防虜眩於修福倘從七賢

祠西北築護城堤迤遶東北高三四丈厚倍之植木堤
上下開圈門通行河南築墩與堤相應各建浮圖關截
水口遇警即塞圈門不特守固且民殷阜家詩書矣利
關郡城應多從者一勞永逸得無意乎

周人龍曰時平則籬棘足以防閑德散則深峻適資寇
盜雖莒因無備楚克三都而秦設金城漢窺軹道彼有
明之所以策三晉甯在此區區一忻而爲此區區一忻
計者又甯在栽榆品審乎楊公明於地脈每言津津又
以未可以堪輿之說禦兵戎也然自隆萬以後迂儒鋒
銳莫當卒以遊談誤國是若楊公者尙可云留心經濟

者矣今四海昇平八荒賓服民安盜熄俗美風清雖夜戶可以不閉而豈徒恃此城郭溝池之固乎以視夫末世之苟且倉皇拘迂鮮當實不知其相懸幾萬萬矣

竇容邃曰高城深池上以壯國威下以資捍衛所關非細祇以承平日久官斯土者怠於從事往往執在德不在險之說以自脫卸殊不知雉堞頽廢則政令無足觀坑塹修整則百務自畢舉此必然之勢也方今

聖天子睿慮周詳勅令天下繕修城垣濬治隍池酌其緩急而次第築鑿業經

撫憲查核奏明在案行見郡邑環列星羅碁布以仁義

爲干櫓以心腹作障蔽斯無往非金湯之固矣

按州城失修幾三百年中間雖兩次修葺皆未能一律
整齊以是日就傾頽幾無以限出入前知州戈濟榮在
任最久經營相度每以需用浩繁興作非易遂首先倡
捐復集紳商節次敦勸俾經費有盈無絀鳩工庀材始
於同治七年四月迄於同治九年十月前後將及三年
修繕完竣於是雉堞斯翬樓櫓崇煥又以餘資平治道
路以利行旅可謂有心民事者矣工既畢因係民捐民
修詳請獎勵廣文武學額格於部議未准

戈有碑記載
入藝文共用

銀六萬
有奇

昔孔子稱子路治蒲三善先舉溝洫深治墉屋

完固喜其民之盡力不偷余於忻之修城亦喜其急公
好義力役之舉踴躍趨事然亦由二百餘年涵濡
教澤故民經之營之絕無計功之心而終始無倦也

忻州志卷十

公廨

州治在東門街宣化坊明洪武初建

學正署在學宮東

訓導署在學宮西

吏目署在大堂西

都司署在州治西南

考棚在州署東

道光十三年前知州李培謙創
建碑記並經費章程載入藝文

常平倉在州署東

九原驛舊在南門內二星坊街後裁驛丞號移儀門東

演武場在南門外東

申明亭在儀門西

燕喜亭在南城上

陰陽學在儒學東久廢

醫學在十字街南久廢

僧正司今在關帝廟

道正司在白鶴觀

按舊志載都察院在治西久廢雍正元年改建節孝祠
察院在治西布政司按察司俱在州署後街善亭在
儀門東迎賓館在儀門西九原遷運所在丁字街東草

場在儀門西後移西岡上舊學址公館二一在石嶺關
一在忻口堡官亭二一名觀風在南郭外一名迎節在
北郭外均皆久廢州署自前明洪武初建迄今五百餘
年中間重修幾次年遠無考同治八年前知州戈濟榮
自大門至二堂全行重修上房仍舊大堂以後規模改
易悉非當年舊制矣

忻州志卷十一

學校

書院

義學附

忻州儒學在州治西北舊在治西南九龍岡後晉天福二
年建金天德大定間知州傅慎微繼脩元皇慶間知州
白朝列又脩明洪武三年知州鍾友諒宣德天順間學
正楊瓛知州夏至明次第繕葺成化間知州劉濤重脩
陳璧記宏治五年知州王軒徙建今所規模宏敞視舊
有加徐溥李東陽胥有記東陽記曰王侯重煩民不欲
有所徵適發地得藏錢十萬曰此可以供役矣物計而
工給之沛然有餘嘉靖十一年知州韓希顏增脩十八

年學正徐宗堯闢學門設射圃建講堂黨承志記萬歷
崇正間知州楊維嶽丁元模重脩

國朝康熙十六年知州柯弼倡脩二十七年知州金玉相
五十八年署州牧蔡夢奇繼脩

射圃在明倫堂東

舊額歲科兩試入學十五名雍正二年經巡撫諾公條奏
文盛之區忻居其一加增學額五名自是歲科兩考文
武入學俱二十名

廣額三名咸豐七年因歷次捐輸奉文永遠加廣學額
二名十年又因歷次捐輸奉文永遠加廣學額一名

府學一名

載學政全書在忻州屬各學憑文取進自道光十三年後多取入州學

廩膳生員三十名四歲貢其三

增廣生員三十名

附生無定額

武生無定額

定襄縣歲科兩考文武入學各十二名

廩膳生員二十名

增廣生員二十名

靜樂縣歲科兩考文武入學各八名

廩膳生員二十名

增廣生員二十名

順治九年禮部題奉

欽依刊立卧碑曉諭生員

朝廷建立學校選取生員免其丁徭厚其廩膳設學院學道學官以教之各衙門官以禮相待全要養成賢才以供

朝廷之用諸生皆當上報

國恩下立人品所有教條開列於後

一 生員之家父母賢智者子當受教父母愚魯或有爲非者子既讀書明理當再三懇告使父母不陷於危

亡

一生員立志當學爲忠臣清官書史所載忠清事蹟務須互相講究凡利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切己之事止許家人代告不許干與人詞訟他人亦不

許牽連生員作證

一爲學當尊敬先生若講說皆須誠心聽受如有未明從容再問毋妄行辨難爲師亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

康熙四十一年

御製訓飭士子文

國家建立學校原以興行教化作育人才典至渥也朕臨
御以來隆重師儒加意庠序近復慎簡學使釐剔弊端
務期風教脩明賢才蔚起庶幾樸棧作人之意乃比年
士習未端儒效罕著雖因內外臣工奉行未能盡善亦
由爾諸生積錮已久粹難改易之故也茲特親製訓言
再加警飭爾諸生其敬聽之從來學者先立品行次及
文學學術事功原委有敘爾諸生勿聞庭訓長列宮牆
朝夕誦讀甯無講究必也躬脩實踐砥礪廉隅敦孝弟
以事親秉忠貞以立志窮經考業勿雜荒誕之談取友
親師悉化驕盈之氣文章歸於醇雅毋事浮華軌度式

於規繩最防蕩軼子衿佻達自昔取譏苟行止有虧雖
讀書何益若夫宅心弗淑行已多愆或蜚語流言脅制
官長或隱糧包訟出入公門或唆撥姦猾欺孤凌弱或
招呼朋類結社要盟乃如之人名教不容鄉黨勿齒縱
倖脫褫扑濫竊章縫返之於衷甯無愧乎况乎鄉會科
名乃掄才大典關係尤鉅士子果有真才實學何患困
不逢年顧乃標榜虛名暗通聲氣夤緣詭遇罔顧身家
又或改竄鄉貫希圖進取囂凌騰沸網利營私種種弊
端深可痛恨且夫士子出身之始尤貴以正若厥初拜
獻便已作奸犯科則異時敗檢踰閑何所不至又安望

其秉公持正爲國家宣猷樹績膺後先䟽附之選哉朕
用嘉惠爾等故不禁反復惓惓茲訓言頒到爾等務共
體朕心恪遵明訓一切痛加改省爭自濯磨積行勤學
以圖上進國家三年登造束帛弓旌不特爾身有榮卽
爾祖父亦增光寵矣逢時得志甯俟他求哉若仍視爲
具文玩愒勿做毀方躍冶暴棄自甘則是爾等冥頑無
知終不能率教也旣負栽培復干咎戾王章具在朕不
能爲爾等寬矣自茲以往內而國學外而直省鄉校凡
學臣師長皆有司鐸之責並宜傳集諸生多方董勸以
副朕懷否則職業勿脩咎亦難追勿謂朕言之不預也

爾多士尙敬聽之哉

欽頒藏書

聖諭廣訓一本

上諭二十四本

訓飭士子文一本

學政全書一本

駁呂留良四書講義三十二本

大清律一部二十本

十三經共十二套一百二十本

二十一史五十套五百本

御纂周易折中一部十二本

御纂書經一部二十四本

御纂詩經一部二十四本

御纂春秋一部二十四本

性理一部五本

朱子全書一部十二本

日講四書解義一部十二本

康熙字典一部四十本

明史一部一百一十二本

欽定四書文二十本

乾隆十一年復發

御纂周易折中二部共二十四本

御纂書經二部共四十八本

御纂詩經二部共四十八本

御纂春秋二部共四十八本

性理二部共十本

以上各書俱藏尊經閣

竇容邃曰學校之設實爲人文之藪有關風化之原自古帝王未有不加意養育極力整飭而能治臻上理英賢輩出也茲敬刊卧碑訓飭士子文以示典謨訓誥炳

若日星士子欽奉無違不患不爲聖賢路上人矣昔先君子司鐸泌陽酌定學規以正趨向詳列勸善規過條件以昭遷改一時人心競奮士習丕變及講學朱陽又復闡明學旨就人生易知易行者明白指示見天地君親師爲大本大原之所在學者誠能隨在檢點觸處尋繹學問品誼自日進而上人文如何不盛風俗如何不厚是在司牧者之善爲鼓舞曲爲作興以無負聖治之雅化焉則幾矣

又曰學宮古柏六株明倫堂喬松兩幹蒼翠蔚蔚勢將蔽天考其始則嘉靖時學正高楫手植也舊題句云慚

愧儒官無寸才聊將小柏補涓涘雖然不比甘棠樹曾
向當年手自栽

按學宮自康熙十六年二十七年五十八年歷次脩葺
自道光年間百有餘年殿廡門坊傾圯日甚櫺星門外
鞠爲茂草前知州李培謙勸捐四萬餘金經始於十二
年夏初十三年告竣前後一律整齊李有碑記載入藝
文按舊志載學田九十餘畝已遺失無
存現學田二十七畝俱係後續添

書院附

秀容書院在治西岡上文昌祠西

按書院經費向有捐款發交五行生息每年山長束脩

生童膏火獎賞皆由生息項下支給舊例每年二月官定日開課評定等第遂定一年膏火月課另加獎賞後前知州戈濟榮改定章程膏火獎賞以每次甲乙爲斷另添課詩賦一次現在每年除正月十二月不課外每月初一日十一二十一日齋課十六日官課十七日詩賦課永爲定例住院肄業者亦無定數

按州治向無書院乾隆四十年前知州魯潢勸捐創建另有碑記詳載緣起載入藝文嘉慶二十五年前知州福敬又勸捐重脩添建屋宇牌樓咸豐二年前知州華典因經費不敷諭令紳士續捐並自行捐廉發商生息

酌定章程同治八年前知州戈濟榮因應課生童無多
又復諭令續捐增加獎賞外添詩賦一課以示鼓勵所
有歷次碑記章程均已勒石用垂久遠

書院有公地十
七畝在西高村

義學

附

按義學舊志載在城四鄉各一凡五區康熙五十二年
奉文建立以教貧民之無力從師者其束脩薪水由官
捐俸按季資給查義學現城中有南北門兩處延師束
脩各三十千文由書院生息撥給其各處義學廢於何
時無從稽考

按忻口有義學一區趙國策創建文昌祠並建義學置

義田三十二畝爲膏火之資乾隆五十九年滹沱河漲
溢祠遂傾圮後其裔孫趙雲騰移脩金山之麓仍建義
學趙紹祖有文記其事

忻州志卷十二

武備 墩舖附

忻州舊無營制順治十三年將盤道梁官兵移駐州城設
經制守備一員把總二員馬兵四十名步兵六十名守
兵三百名馬四十八匹屬利民路管轄順治十五年奉
文調防浙省步兵五十名康熙五年奉裁馬兵六名守
兵二十名馬三十匹旋又添撥馬十匹雍正三年請更
營制等事案內改歸東路營參將管轄七年於敬陳管
見事案內添設經制千總一員外委把總一員共留馬
兵十四名步兵十九名守兵二百二十六名十年於請

定武職陞選之法等事案內忻州營守備改爲都司十一年將本營步戰兵十名守兵八名從大同鎮換撥馬兵十八名共馬兵四十四名步兵七名守兵二百三十六名乾隆元年添設火器外委把總一員分駐定襄縣兵八十三名嗣於道光元年奉文裁汰守兵九名道光十二年奉文裁汰守兵二名咸豐四五年奉文先後裁汰馬兵三名步兵八名守兵二十八名咸豐十一年同治二年奉文先後裁汰馬兵一名步兵五名守兵三十二名現在通共額存馬步守兵一百六十五名分駐定襄馬步守兵三十七名千總一員餘皆分駐州城忻口

及墩臺二十處本營官都司一員外委千總一員外委
把總一員額外二員

存儲器械砲位火藥

東城樓

威遠砲三十五位

三眼鎗七桿

現存
三桿

一眼砲一百四十七桿

現存一百
零五桿

穩口砲三十桿

現存二
十七桿

炸砲一百五十桿

現存九
十二桿

滾機鎗五架

已壞

鉞斧二十八把

現已
無存

鉛穩口二十顆

現已
無存

火藥一甕

現已
無存

火藥罐五十箇

現已
無存

生鐵砲五十位

現存
五位

南城樓

威遠大將軍三位

三眼砲五桿

現已無存

一眼砲一百六十五桿

現已無存

拐子砲七桿

現已無存

碗口砲二十八桿

現已無存

班斧十一把

現已無存

短班斧一把

現已無存

鉞斧六把

現已無存

炸砲九十七箇

現已無存

生鐵砲二位

灰礮一千五百箇

現存六百箇破

鉛子一百一十五觔

現已無存

火藥七十六觔十二兩

現已無存

西城樓

威遠砲三位

現存兩位

一眼砲一百七十桿

現已無存

碗口砲二十八桿

現存十八桿

三眼砲五桿

現存

拐子砲三十桿

現存無存

生鐵砲十六位

現存無存

生鐵穩口砲四位

炸炮三百七十位

現存無存

折腰砲二十桿

現存無存

班斧十把

現存無存

鉞斧四十把

現存無存

鐵斧六十把

現存無存

神機箭三十三把

現存無存

滾機鎗五架

現存無存

萬人敵桶十三隻

現存無存

火藥確三百箇

現存無存

鉛子八十觔

現存無存

生鉛子三百觔

現存無存

噴桶三十箇

現存無存

火藥二甕

現存無存

北城樓

威遠砲二百四十六位現存一百三十位

生鐵砲四十三位現存四十位折腰砲八十桿現存五十桿

拐子砲十三位現存十位滾機鎗五架現存無存

生鐵子一百筋現存無存小車二把現存無存

神機箭九枝現存無存萬人敵桶二十隻現存無存

三眼砲九桿現存八桿碗口砲二十五桿現存無存

一眼砲九十桿現存七十桿鉛子一百筋現存十筋

瓦礮八十箇現存無存炸砲一百四十桿現存四十一桿

火藥一千五百六十筋現存無存

以上器械砲位火藥俱係四門廂長輪年收管迄今

年久半多殘毀遺失茲仍照舊登載現存數目分注於下以便將來稽考

寶容遂曰按舊志所載概無一存自姜逆變亂忻土復經蹂躪所以器械等件存儲甚備但年遠日久不無廢壞若夫整飭以壯

國威則干城之選未可忽矣

雍正二年添設民壯五十名以資彈壓十年爲遵

旨議奏事案內奉裁十五名實留三十五名議令學習武藝果能勤力學習技藝可觀準其拔入營伍等語加增工食銀一兩二錢每名歲支工食銀七兩二錢

漢建武元年盧芳據安定掠有五原朔方雲中定襄雁門五郡之地以天下思漢詐稱武帝曾孫劉文伯自立

爲上將軍西平王外結匈奴使騎迎芳入匈奴立
爲漢帝嗣五原人李興等迎芳入塞居九原與匈奴稱
兵侵苦北邊建武十六年芳屢敗窮蹙請降尋復反匈
奴遣騎迎之出塞死匈奴中 魏嘉平三年雍州刺史
陳泰求勅并州并力討諸葛恪司馬景王從之未集而
雁門新興二郡以爲將遠役遂驚反景王謝朝士曰此
我過也非伯元之責 後魏肅宗正光五年八月秀容
內附乞扶莫于破郡殺太守南秀容牧子萬于乞真反
叛殺太僕卿陸延并州牧子素和婆嶮嶮作亂領民酋
長爾朱榮並前後討平之 爾朱榮兵威漸盛曾經肆

州刺史尉慶賓畏惡之據城不出榮恨慶賓舉兵襲之慶賓別駕姚和內應榮遂害慶賓僚屬拘慶賓還秀容東魏天平四年柔然阿那瓌掠肆州高歡擊走之

武定元年歡築長城於肆州北山東西四百里障北部之衝以衛太原 唐武德二年頡利寇代州圍新城進擊忻州爲李高遷所破 武德七年七月苑君璋引突厥入雁門由忻州至并州剽俘騷然 垂拱二年骨咄祿入朔代以涇于處平爲陽曲道總管將擊賊總材山至忻州與賊遇鏖戰不利死者五千人 垂拱十二年默啜攻石嶺關圍并州復入忻代都知兵馬使渾瑊自

石嶺關南督諸軍進討爲犄角之勢默啜旋引去 垂

拱十九年九月突厥寇忻州 景龍二年突厥寇并州

擾忻代 中和元年沙陀大掠陽曲榆次引兵北還陷

忻代二州 晉開運元年正月辛丑北京留守劉知遠

及契丹偉王戰於秀容敗之十一月辛卯忻州言與契

丹戰破之關南言破契丹斬首萬餘級 周世宗至太

原城下命行營都部署符彥卿與郭從義向訓白重贊

史彥超率萬騎屯忻口以拒北援又下孟縣遼人駐忻

北游騎及近郊彥超以二千騎當其鋒爲遼人所掩重

傷數百人 遼會同七年正月丙子明王安端先入雁

門圍忻代下之遼應歷時周人侵漢以南院大王撻烈
都統西南道軍援之周已下太原數城漢人不敢戰及
聞撻烈兵至周主遣郭從義尙鈞等率精騎拒忻口撻
烈擊敗之獲其將史彥超周軍遁歸復所陷城邑漢主
詣撻烈謝 宋宣和七年九月河東言金粘罕至雲中
詔童貫復宣撫十二月乙丑貫至太原遁歸是月金兵
陷忻代等州圍太原府 金貞祐末元兵入忻州燬民
居 興定元年元兵圍忻州河南宣撫副使石倫率兵
來援以兵護民入太原招降北者四千餘人 元至正
十八年六月關先生掠晉冀雁門間 明正統間也先

入內轉掠至忻經猫寨爲石巨常射退四十七騎乃引去嘉靖間套騎數入內地不能遍考其可知者二十二年與三十四年耳蹂躪亦不待言矣崇禎六年正月賊紫金樑亂世王等分股寇掠忻受殘二月二十九日總兵曹文詔追擊於定襄及賊於壽陽賊潰八年三月賊高加討出掠明師追至忻代山中虎大威迎射一矢中頂乃殪十七年二月闖寇自太原來明藩盡逃兵駐忻徵餉於仕宦者時州牧楊蒞任甫數月無以應願將生女配富室得聘金以飽賊人不敢娶遂被殺中書盧亮采亦以徵餉故爲賊溢死五月闖敗西歸

州爲僞將柳同春所據兼轄定襄聞

國朝已拔代州等邑同春潰走定襄破堡寨掠婦女地方多致蹂躪撫院飛檄招撫同春引衆赴省所掠婦女索錢聽贖 順治五年雲中姜瓖反六年正月戕巡甯道

王公於原平州同馬維熙死於甯武州守劉德炎棄城走賊僞帥姜建勳入據城襄尹暢悅從賊大中丞俱捕斬之委陽曲主簿何顯祖署事亦被殺時太原兵少保會鎮不得進取適滿兵數百人從西安至中丞勞之北拔遂至忻戰牧馬河上敗退我兵進營西門外約與賊再戰賊懼開北門宵遁忻遂甯二月建勳復由靜樂西

山後取汾州

王師卒攻滅之嗣是以來

聖朝德化日隆疆圉鞏固

列聖相承仁風翔洽治躋羲皇之上兵銷日月之光我三
晉士民自祖及孫含哺鼓腹鑿井耕田目不見兵革者
已百有餘年矣

楊維嶽曰兵以衛民無兵地予敵也不練卒予敵也正
統以後郡奉例募民壯丁三百一十五名爲義兵隸於
官餼之因其世籍千百長統之聽約束若指臂焉兵皆
有鎧仗守郡者朔望練之不與他役餘日歸農合古寓

兵於農之法後抽減四十一名戍邊不知何年改議民壯三年一編蓋憐世籍類於永戍而以此均勞逸耳然皆隴畝之夫目不知兵手不習器今日民壯明日齊民千百長渙不相聯矣近年又有修邊之役名隸審編者第於常餼外津貼募代已耳寥寥數十人又時有押護軍需之遣何從操練哉雖有兵猶無兵也巡撫魏公調太原沁州軍卒千餘防秋復以省行糧議撤一旦有倣倉卒莫辦未雨之防恐不可忽也

按舊志仍載前明兵制及所存器械數目

器械久已無存兵數亦非今制皆削而不載茲但存楊說以備後來稽考云爾

按忻境近邊當晉北孔道歷代恆苦兵革之患溯稽史

冊自漢迄明爭戰不息畧載前事民困極矣而明季闖賊往來秦晉被禍尤烈我

朝撫有區夏中外一家二百餘年休養生息桴鼓不驚耕鑿無擾常爲熙皞之民安享昇平之福謂非

國家之德澤孔厚而能若是乎忻民遭際尤爲二千年來未有之幸也然且安不忘危修明武備營制星羅碁布大小相維遠慮深謀前代之所不及也

墩舖

附

曲家莊

城南十里

麻會鎮

城南二里

辛興舖

城南三里

關城鎮

城南四里

十里舖

城北

二十里舖

城北

泡池鋪

城北三十里

部落鋪

城北十五里

淤泥鋪

城北十里

金山鋪

城北十五里

石壑鋪

城北十五里

紅崖子鋪

城北十五里

以上每鋪駐兵五名

鴉兒坑鋪

東南二十里路通孟縣駐兵五名

牛尾莊

城西九十里路通靜樂駐兵三名

以上十四鋪乾隆十年爲奏明請

旨事案內將南北衝路墩臺全行包磚僻路二汛墩臺四角包磚共衝僻墩鋪一十四汛俱移交營汛管理

忻州志卷十三

鄉都 集鎮附

州境幅幘遼濶鄉分四方東曰永豐南曰集賢西曰九原

北曰金山領都四十七村莊三百六十有二

東永豐鄉領十都七十六村莊

北遠關都

北關

匡村 距城二里

深溝村 距城二里

後野峪 距城三十五里

畝平村 距城二十里

春溝村 距城四十里

沙平村 距城七十里

圈廠村 距城六十里

上下邢家村 距城七十里

曹家小莊 距城十里

東北隅都

作頭村 距城四里

頓村 距城二十五里

東馮城 距城三十里

北塲村 距城十里

深溝前村 距城二里

峪口村 距城六十里

寺平村 距城七十里

順城村 距城二里

大南陌 距城八十五里

小南陌 距城八十里

平張都

谷村 距城二十五里

呂令村 距城二十五里

符村 距城二十里

曹張村 距城三十五里

南太平

距城二十里

北太平

距城二十里

代郡村

距城三十里

解村

距城三十里

重新都

小智村

距城二十五里

大有張村

距城四十里

令狐村

距城三十里

辛莊村

距城二十五里

義井都

東樓村

距城十五里

安邑村

距城十五里

西樓村

距城十五里

曹家莊

距城二十里

北義井村

距城二十里

南義井村

距城二十里

高家莊

距城二十里

真壇村

距城二十五里

盧家窰

距城十五里

胡蕭都

南蕭村

距城十里

段家莊

距城十里

北胡村

距城十里

南胡村

距城十里

北蕭村

距城十里

曹村

距城十里

魏家莊

距城十五里

十家村

距城八里

趕子崗村

距城十里

孫董都

董村

距城二十五里

孫村

距城二十五里

太延村

距城十里

劉家山

距城十五里

武家山 距城三十五里

肖家山 距城三十五里

新從都

遊邀村 距城二十里

令歸村 距城二十五里

定興寨 距城二十五里

碾溝村 距城六十五里

外王家溝 距城七十里

南北都

紫岩村 距城十五里

東張村 距城十五里

大南宋村 距城十五里

北宋村 距城十五里

小南宋村 距城十五里

元家山 距城三十里

雙堡村 距城二十里

王家莊 距城二十里

班家莊

距城十里

芝郡都

故郡村

距城五里

石家莊

距城二里

傅家莊

距城五里

南莊子村

距城十里

禪王家溝

距城七十里

孫王家溝

距城七十里

南集賢鄉領十五都一百三十八村莊

東南隅都

木芝村

距城五里

樊家野場

距城二里

前後合村

距城十里

楊家莊

距城三里

焦家莊

距城五里

北梁村

距城三十里

大小塔習

距城八里

碾高嶺村

距城六里

前野峪

距城三十里

西關都

范家野場

距城五里

蘭村

距城十里

小蘭村

距城十里

蕭家峪

距城十五里

盧家野場

距城五里

田家野場

距城五里

張家野場

距城十里

翟家山

距城六里

西窰頭

距城六十五里

盧家新莊子

距城三里

豆羅一都

東村

距城二十五里

徐王家山

距城二十五里

北豆羅村

距城二十里

南豆羅村

距城二十里

豆羅二都

西曲家莊

距城十里

韓嚴上都

水峪村

距城三十里

西張村

距城十里

辛莊子村

距城四十里

韓嚴下都

東曲家莊

距城十里

鴉兒坑村

距城二十里

楊家墳村

距城三十里

韓家溝

距城二十里

韓嚴村

距城十五里

辛興南都

麻會鎮

距城二十里

辛新鋪

距城二十五里

楊家溝

距城三十里

劉家溝

距城二十五里

于家溝

距城七十里

辛曲灣村

距城三十里

關城鎮

距城四十里

寨底村

距城六十里

上佐都

上佐村

距城三十里

白石村

距城三十里

西溝村

距城三十五里

下佐河東

距城二十五里

下佐河西

距城二十五里

前後寨

距城三十里

蘇村

距城三十里

張家莊

距城六十里

白石西堡

距城三十里

路村一都

黃家莊

距城五十里

南窰頭

距城十五里

平社村

距城五十里

黃嶺村

距城六十里

路村

距城六十里

田莊村

距城七十里

下社村

距城六十里

太河村

距城六十里

峪子村

距城七十里

新路村

距城七十里

坡頭村

距城五十里

馮村

距城五十里

傅家莊

距城六十五里

路村二都

于條溝

距城五
十里

寺莊村

距城四
十里

邢家山

距城四
十里

牧莊

距城四
十里

上河北

距城四
十里

連寺溝

距城五
十里

下河北

距城三
十五里

馮村都

秦家溝

距城三
十五里

大溝村

距城六
十里

西社村

距城五
十五里

觀裡村

距城七
十里

南社村

距城五
十里

九畦溝

距城五
十里

莊裡村

距城五
十里

磨裡村

距城五
十里

東崑興

距城六
十里

劉家梁

距城四
十里

北社村

距城五里

觀溝村

距城五里

直道溝

距城四里

南張村

距城四里

水馬都

月除村

距城四里

馮家山

距城五里

前三交

距城五里

高崖底

距城六里

婁子溝

距城七里

下水馬

距城六里

泉子溝

距城七里

狄家溝

距城七里

閣兒口

距城五里

北村

距城十里

橫山村

距城六里

石家塋

距城六里

後河堡

距城一百一十里

田家峪

距城七里

冶頭都

黃家莊

距城五里

安社村

距城一百五里

官村

距城六十里

陀羅村

距城四十里

前山兒

距城五十里

冶子嶺

距城三十里

窰溝村

距城六十里

下沙溝

距城一百里

南陀羅

距城六十里

上下馬圈

距城一百一十里

土寺村

距城七十里

東西馬頭山

距城七十里

上沙溝

距城一百里

羊圈溝

距城七十里

固村

距城七十里

高觀村

距城八十里

河家村

距城六十里

赤水前

距城八十里

高家莊

距城七
十里

魏家莊

距城七
十里

牛尾莊

距城一百
一十里

赤水後

距城八
十里

上下栢色

距城九
十里

蒲閣寨

距城一
百里

固莊

距城七
十里

南社村

距城七
十里

北陀羅溝

距城八
十里

楊坡村

距城七
十里

南呼延都

南梁村

距城二
十里

姜家莊

距城二
十五里

南呼延村

距城十
五里

小王村

距城十
五里

向陽村

距城三
十里

娘娘溝

距城三
十五里

地黃梁

距城五
十里

西馮村

距城六
十五里

團峪溝

距城九
十里

冀家溝

距城七
十里

後三交

距城六
十里

蘭晏都

晏村

距城二
十里

南梁村

距城三
十里

西九原鄉領十二都八十九村莊

東關都

毛家左城

距城十
五里

河子頭

距城一
十里

甄家莊

距城二
十里

邊家圍

距城三
十五里

解原都

解原村

距城十
五里

盧家野場

距城
十里

門關石

距城八十里

流江都

流江村

距城十五里

王家左城

距城十五里

張家左城

距城十五里

豆槐村

距城二十里

張村

距城二十五里

白家山

距城五十里

東峪子

距城四十里

車道坡

距城四十里

鄧家土嶺西

距城七十里

橫牆村

奇村都

奇村

距城二十五里

依提都

煙村 距城十五里

王要村 距城十五里

桃園村 距城三十里

盧家溝 距城五里

宋家梁 距城四十里

馬石腦背 距城三十里

磨兒腦 距城六十里

依提村 距城二十里

朱家梁 距城四十里

索石都

合索村 距城三十五里

六石村 距城二十五里

士林喬 距城二十五里

上社村 距城三十里

水頭溝 距城四十里

下鬧峪 距城四十里

水泉溝 距城四十里

上鬧峪 距城四十里

小尖山

距城六
十里

和義村

距城五
十里

索張都

喬村

距城二
十里

大溝村

距城六
十里

降溝村

距城三
十里

李家腦

距城三
十里

酸次溝

距城六
十里

會裡溝

距城三
十里

上溝村

距城三
十里

羊腦溝

距城五
十里

神頭村

距城三
十里

大圪堆

距城四
十里

楊家莊

距城四
十五里

馬家山

距城五
十里

東嶺社

距城五
十里

九會嶺

距城五
十五里

東呼延都

西溝村

距城五里

東呼延村

距城四里

西馮城

距城三十五里

溫村都

溫村

距城五里

孫家灣

距城五里

西呼延村

距城四十五里

嘉禾都

嘉禾村

距城四里

嘉禾小莊

距城四里

王家莊

距城二十五里

明望村

距城五里

南營村

距城六十里

苗村

距城四十五里

趙家莊

距城五十里

金村都

寺莊村

距城四
十里

石梯子

距城五
十里

沙窰村

距城五
十里

石家莊

距城五
十里

大王村

距城五
十里

四六奇村

距城四
十里

郭家莊

距城五
十里

金村

距城五
十里

解家莊

距城四
十里

棗間村

距城五
十里

張家山

距城六
十里

田家窰

距城六
十里

鄧家莊

距城四
十里

河家莊

距城五
十里

婁子溝

距城一
百一十里

窰寬村

距城五
十五里

辛窰村

距城五
十里

逢莊都

逢莊村

距城七里

太平莊

距城七里

永甯莊

距城十五里

東社村

距城十里

奇村小莊

距城四十里

周家小莊

距城十五里

永興莊

距城四十里

興趙村

距城七里

北金山鄉領十都五十九村莊

西南隅都

南關

田村

距城五里

新社村

距城十五里

南溝村

距城三十五里

禪房溝

距城一百一十里

嶺底

距城一百一十里

小嶺底

距城一百里

羅家社

距城六十五里

南溝村

距城二十里

西王家莊

距城二十五里

北趙村

距城二十里

河管村

距城二十五里

下社村

距城七里

大王村

距城十五里

部落村都

二十里鋪

距城二十里

部落村

距城三十五里

部落莊

距城三十五里

楊村都

六家莊

距城二里

十里墩

距城十里

檀村

距城二十里

楊村

距城二十里

播明村

距城二
十五里

永茂莊

距城三
十里

秦城都

秦城村

距城三
十里

淤泥都

金山鋪

距城四
十五里

泡池村

距城三
十里

淤泥村

距城四
十里

忻口都

忻口鎮

距城五
十里

界河鋪

距城六
十里

雙白留都

高城村

距城五
十里

高城北莊

距城五
十里

州志
卷十三
三

康家莊

距城五里

高村

距城五里

白村

距城六里

灰裡村

距城六里

炭莊

縛虎莊

距城五里

寺家莊

距城六里

張家莊

距城十里

張家窰

距城六里

驢冷溝

距城六里

東高都

秦家莊

距城六里

化陽村

距城二里

柴家莊

距城五里

小東溝

距城五里

東高後

距城六里

劉家莊

距城六里

楊莊

距城六里

屯莊

距城五里

蔚家野場 距城五
十里

西西都

楊胡村

距城五
十五里

米家寨

距城五
十五里

辛莊村

距城五
十里

西高村

距城六
十里

東高村

距城六
十里

橫河村

距城五
十里

黃土嘴

南高都

南高村

距城四
十五里

尹村

距城二
十五里

竇容邃曰明季失政邊陲告警軍需繁興都甲苦累莫
可名言我

國家輕徭薄賦與民休息司牧者日相勸諭稽察者惟編查保甲清理戶口辦納正賦而已此外毫無雜項私派騷擾里巷亦無豪橫暴戾刻索百姓此所以農安耕鑿而共享太平無事之福也

按舊志載前明洪武初編民六十三都分十五鄉永樂十年定冊籍仍六十三都分在城六都四鄉五十七都嘉靖二十二年併蕭村北胡爲胡蕭董村孫村爲孫董南宋北宋爲南北永豐鄉故郡都集賢鄉木芝二都爲芝郡韓巖一二爲韓巖六石合索二爲索石合索一張村爲索張北趙淤泥爲淤趙秦城頓村爲秦頓凡五十

四都萬厯元年併北關廂遂莊二都爲北遂關八年併
義井一二爲義井太平曹張爲平張新莊一二爲重新
西高一二爲西西白村一二高留爲雙白留凡四十七
都我

朝因之迄今未改

集鎮

附

東鄉董村鎮

距城二十五里

南鄉麻會鎮

距城二十里

關城鎮

距城四十里

莊磨鎮

距城十五里

三交鎮

距城七十里

西鄉四六奇村鎮

距城五十里

北鄉部落鎮

距城三十五里

忻口鎮

距城五十里

忻州志卷十四

驛傳

鋪遞附

九原驛額馬五十四匹每馬二匹用夫一名額設馬夫二十七名順治十二年爲一件協濟本可通融等事案內奉裁馬七匹夫三名半係撥徐溝縣同戈驛四匹樂平縣栢井驛三匹康熙四十九年爲一件詳請量減等事案內奉撥協北路王官人屯驛馬七匹馬夫三名半雍正五年爲一件敬陳管見事案內奉裁馬七匹夫三名半乾隆十年爲詳請站馬就近責成管理等事案內撥協朔州南關塘馬八匹夫四名現在本驛實存馬二十

五匹夫十二名半嗣又撥回甯武偏關兩縣馬五匹夫

二名半

係何年撥歸年遠無考

今本驛實存馬三十匹夫十五名

馬每匹日支草料棚廠鞍屐等銀九分八毫夫每名日

支工食銀三分

按舊志載前明驛馬四十九匹驛四十九頭每馬驛各一頭用馬夫一名

九原遞運所額設所夫八十一名順治十二年爲一件協

濟本可通融等事案內裁夫五名雍正三年爲一件遵

旨另行詳議事案內裁夫二十六名五年爲一件敬陳管

見等事案內裁夫二十名現在實存所夫三十名每名

日支工食銀二分五釐

按舊志載前明運所募夫八十一名

竇容遂曰九原驛當晉北孔道差事繁多南至陽曲縣

成晉驛八十里北至崞縣原平驛八十里前差未返後差繼至絡繹不絕夫少馬疲司土者每額外喂養驛頭以資遞送至工料之溢費夫馬之勞憊固有所不暇計也

楊維嶽曰舊制州編牛頭夫一百五十名定襄協濟五十名嘉靖間巡撫萬公改損夫八十一名每名歲給工食銀七兩二錢車戶計程數給銀每十里腳價銀五分多寡無定額夫車外顧銀赴府給領歲六百兩多存少補張守問行詳減二百兩如不足仍行補領定襄不復幫矣

宿尚謙等曰置郵傳命租庸歲供此國制亦民義也第衝者効力馳驅僻者解銀協濟亦流通之誼當然先年驛所僉編馬騾車夫定襄濟之孔道輪蹄絡繹州民重困比屋逃竄自撫臺萬公調停加派徭站召募夫役馬騾車夫則計程給銀甲馬甲隸亦募而餼之民胥稱便然定襄遂免協濟郡之徵輸頗增於昔法久弊滋鞭撻需索夫皂有免打錢否則銷剝衣帽馬有惜馬錢以廩糧之折乾也又責飯食否則破脊毀鞍且誣遺失行李車有裝卸錢否則誣盜貨物遇有陳告雖知其僞姑與調停當道洞燭前弊屢行嚴禁而積蠹一時難革守土

之吏不敢以聞於上惟恐借口留難或罹罪也今尙幸承平無事脫羽檄交馳則小民不肯應募里甲之流離將復見矣先憂者似宜軫慮也

按舊志首載明制於體例不合似宜削去茲仍附見並存楊宿二說以見有明稅政力役之征民困已極末季之亂概可知矣

舖遞

附

在城總舖一舖兵五名

南路舊站舖

距城十里

麻會鎮舖

距城二十里

卧牛灣舖

距城三十里

北路五里鋪

十五里鋪

雲中河鋪

距城二十五里

部落鋪

距城二十五里

金山鋪

距城四十五里

界河鋪

距城五十五里

以上每鋪設鋪司兵四名

東路段家莊鋪

距城十里
鋪兵三名

西路合索鋪

距城三十里

三交鋪

距城五十里

牛尾莊鋪

距城九十里

以上三鋪係雍正八年經靜樂縣詳請添設每鋪鋪兵各二名其工食出之靜樂縣非本州額設也

忻州志卷十五

關隘 堡寨 橋梁附

忻口北五十五里兩山中夾滹沱水實晉陽門戶明萬曆二十九年巡撫魏公允貞用石甃堡險固可守 忻口

諸山北五十五里山甚多踞滹沱曲鎮堡在焉 玉箭

崖忻口北東岸俗名將軍背 忻口故城北五十里在

忻口堡西址存相傳漢高祖自平城還師駐此築城水東有猫寨 宋志秀容有石嶺關忻口雲內徒合四砦

通典忻州因忻口爲名 後周圍太原契丹救漢出

忻代世宗遣符彥卿拒之以史彥超爲先鋒戰忻口彥

超左右馳擊解而復合者數四遂歿於陣世宗遽班師
遼應歷時周人侵漢以南院大王撻烈都統西南道
軍援之周已下太原數城漢人不敢戰及聞撻烈兵至
周主遣郭從義尙鈞等率精騎拒於忻撻烈擊敗之獲
其將史彥超周軍遁歸復所陷城邑

雲內口西七十里龍門山北雲中水所經也宋孟良常守
此明初巡檢朱德亮守之亦名寨西隘口西至蒲閣寨
通靜嵐石隰等路北至沙溝寨通甯化甯武等邊嘉靖
三十四年吉囊自甯化等處寇太原由此北出卽雲內

鎮一名雲內堡

省志寨西隘口乃雲內鎮一名雲內堡
忻州西北明洪武間置巡檢司後裁

孟良城西北七十里蒲閣寨東雲內口東有教場址存

石嶺關南四十里界陽曲縣設巡檢司 通考秀容有石

嶺關甚險固 六郎城宋楊延昭駐兵於此

赤塘關西南五十里路村一都東南入省城 唐赤塘關

屬陽曲 金石嶺關屬忻州 雲內赤塘一帶西南直

通晉陽 東高西高二堡州治西北六十里地皆平衍

唐宋戍石嶺赤塘二關郡置防禦團練使明不設兵嘉

靖庚申俺答由甯武諸口入犯忻口迤西東高西高等

都一帶平衍騎渡沙河直抵郡城入雲內口過赤塘直

抵省會

白馬山西南六十里北連大嶺山西南界靜樂 遼保甯
初宋圍太原以北院大王耶律屋質率兵往援至白馬
嶺遣卒夜出間道疾馳駐太原西鳴鼓舉火宋兵以爲
大軍至懼而宵遁 北漢廣運六年三月遼乾亨元年
也南府宰相耶律沙援北漢與宋將郭進遇於白馬嶺
時遼兵阻大澗沙與諸將欲待後軍至而戰冀王敵烈
監軍抹只等以爲急擊之便沙不能奪敵烈等以先鋒
渡澗未半爲宋人所擊兵潰敵烈及其子蛙哥沙之子
德里突呂不部節度使都敏黃皮室詳穩唐筈等五將
俱歿士卒死傷甚衆會南院大王斜軫兵至萬矢俱發

敵軍始退

牛尾莊巡檢司西南百里牛尾莊寨西南九十里白馬山
西北路通靜樂縣界明洪武七年置巡檢司

沙溝寨西北七十里洪武間置巡檢司

猫寨北五十里白村里忻口東極險元設戍兵明正統末
也先入石巨常射退四十七騎寨獲全

雲中山西北八十里與雙尖山連北界崞縣

大嶺山雲中山西二十里北連崞縣黃嵬山西界靜樂

堡寨

附

虎頭山寨

治東南三十里

遊邀村堡

治東南二十里

代郡堡

治東北三十五里

三交堡

治西六十里

魏家溝寨

王家寨

俱治西七十里

蔡尖堡

治西七十五里

高崖寨

治西南七十里

麻會鎮堡

治南二十里

關城堡

治南四十里

闌峪二堡

治西四十里

米家寨

治西北六十里

部落堡

治北五十五里

吳家堡

治北四十里

高村屯堡

治東北四十里

以上各寨堡皆載入通志

故郡堡

東樓村堡

西樓村堡

段家堡

俱治東十里

曹家堡

石家村堡

魏家莊堡

俱治東十五里

北胡堡

太延堡

俱治東二十里

令歸堡

董村堡

俱治東二十五里

雙堡

郭家堡

俱治東南十五里

龍王寨

定興寨

治東南二十五里

黃堂寨

治東南三十里

新莊堡

治北三十里

蘭村堡

治西三十里

晏村堡

治西五十里

向陽寨

治西五十里

白石堡

治西三十里

月除堡

南張村寨

俱治西四十里

馮村堡

北社堡

西社堡

石水村寨

下社村堡

俱治西五十里

高家莊寨

治西十五里

田家峪寨

治西六十里

官莊堡

治西南五十里

上寺堡

治北六十里

蒲閣寨

治西北七十里

豆羅堡

治南二十里

韓嚴堡

治南十里

西張堡

治東南十三里

匡村堡

治西五里

遼莊堡

解原堡

俱治西十里

流江堡

治西十五里

張村堡

依提寨

王要村堡

俱治西二十里

合索堡

作頭寨

俱治西三十里

沂州志

卷十五

堡寨附

四

東呼延堡

治西三十五里

楊家莊堡

治西三十五里

六石堡

治西北二十五里

西馮城堡

嘉禾堡

明望堡

俱治西北三十五里

南營屯堡

奇村堡

俱治西北四十里

北趙寨

治北二十里

秦城堡

頓村堡

尹村堡

俱治西北二十五里

東高堡

治西北六十里

楊村堡

治北二十五里

楊胡寨

治西北七十里

播明堡

泡池堡

俱治北二十五里

淤泥堡

治北四十里

楊維嶽曰郭以捍城春秋書楚伐莒入鄆譏備弛也郡

關郭牆卑薄鹵土漸頽難於脩築竊欲更增高培厚以

當事議撤弗果請萬一侵陵恐不可守雲內赤塘一帶

西南直通晉陽虜出沒東高西西北俱平衍渡沙河卽

可長驅抵郡均之當慮寨堡旣已星羅然可守者黃堂
明望虎頭龍王高崖米家寨貓寨東樓村北胡高村忻
口堡二十餘處而已小民懲往年北趙張村之變惴惴
殘破遇警棄去多伏深窹嶮溝視脩理不啻驅之陷穽
也似當酌助官脩增高益厚多置軍火器械令積粟穿
井安宅其中庶有固志第未易言耳

橋梁

附

巨濟橋

在東門外

西張橋

在南門外二橋俱載通志

按牧馬河漲落不時每當春夏之交大雨時行山水陡
長則河水漫溢無常恆有冲決之患然地當孔道因此

行旅往往阻隔建造橋梁又難施以人力故每歲冬令

水涸之際搭造土橋約費三百餘緡向有捐款千緡可

得生息百二十緡不敷兩橋之用舊例於附近村庄歛

費以濟不足司事者間有不能自潔因是興訟

咸豐年間因經

費不足廢弛十餘年前知州戈濟榮於在城巡更查夜經費項下

歲撥二百緡協濟兩橋之用從此得免攤派之累胥皆

稱便夫地方義舉經始未嘗不善第日久經理非人則

弊竇百出轉爲民累茲詳列顛末期以垂久遠云爾

忻州志卷十六

寺觀

養濟院

義地附

興國寺

在治後唐儀鳳年建明洪武初設僧正司於此

定和院

在匡村

白馬寺

在奇村俗傳程嬰爲白馬天神云

福田寺

在繫舟山卽元德明讀書處志云東巖夜月者是也

文殊寺

一在治東北一在治西一在南郭四鄉多有之

大悲寺

在南郭外西

福勝寺

一在西張村一在韓嚴村

崇明寺

在温村

三藏寺

一在依提村
一在蘭村

華巖寺

一在嘉禾村
一在六石村

圓明寺

在東呼
延村

智門寺

在路
村

崇福寺

在木
芝村

普和寺

在水
馬村

千佛寺

一在雙堡村有松數
百株一在遊邀村

傘蓋寺

在馬村後唐初建附山植松
百餘株志云青松傘蓋卽此

香泉寺

在路村西三崑山唐元化
年建志云紅葉香泉卽此

法雲寺

在木
芝村

寶香寺

在忻口
馥香山

天王寺

在馮村

永安寺

在東高村

大明寺

在南高村

院監寺

在董村

觀音寺

在部落村

崇化寺

一在流江村有唐
槐一在上佐村

聖壽寺

一在奇村
一在白石村

七峯寺

在孫村

洪濟寺

在東樓村西
距村半里許

寺觀志

卷一 寺觀

壽聖寺

在寺庄村

洞元觀

在嘉禾村元大德年間建

天慶觀

在城內西岡上宋祥符中建見元好問記載入藝文明洪武十五年設道正司今名白鶴觀

玉清觀

在水馬村明萬歷時護道正司印一在傅家庄

陽明觀

在原頭村

玉陽觀

在頭村

大清觀

一在碧色村一在嘉禾村

大微觀

在白村

忠烈寺

在遠庄祀忠智侯公孫杵白金進士南陽何師常撰碑記尙存

楊維嶽曰甚哉浮屠之惑人深而宗其教者之敗俗大

也郡境村落約三百許皆有梵寺數楹最小者亦斗室
供香火僧無精行貧民爲僧傭作者挈妻傍居流娼儻
居僧舍蕩子諧狎藉資衣食者更從與之深可扼腕緣
元代素崇佛教故濫觴至此計非廬居人人不可第鄉
人就此避虜歲時祈報未易議革也

周人龍曰僧道亦人耳不幸陷爲僧道豈能并人食色
之性而除之楊公所云豈獨忻爲然天下之僧道其不
犯此者鮮矣或倖而不罹於法耳人人廬居未易言抑
其強而汰之可也孟子曰能言距楊墨者聖人之徒若
楊公者其庶幾歟

養濟院

附

養濟院

在西門內

按本州額設孤貧十名每名日給倉米一升按一穀六米合算每年共給穀五十九石遇閏之年六十四石由常平倉積穀支放例由司庫領款買補每年給賞花布銀共九兩四錢四分

普濟堂

在南郭外雍正二年奉旨建立其中收養老病之人所費由州捐給今已坍塌

按舊志載普濟堂向無經費檢查卷宗有地二百七十九畝七分八釐八毫又存庫平銀一千一百兩發交典當稠緞兩行生息一分二釐歲得利銀一百五十八兩四

錢地租可易銀三十餘兩租據兩行領字皆有存案

禮房

經管額養老病貧民五十名口每月由吏目經理散放所

有租息年終應行報州查核

舊卷冊籍係乾隆五十年交歸吏目經管

歷

年已久此項經費究始於何時年遠無考

每任新舊交替列入交代

茲詳登款目俾後來有所稽考不至日久乾沒廢此義

舉

義地附

哀邱 金末兵革之後暴骨狼藉宣撫劉易令道士王恒心募瘞成邱名曰哀邱今迷其處

漏澤園二 一治厲壇後一北關外西

義塚二 一在北關外係前州牧柯捐俸置用銀十五兩買生員張夢麟地十四畝三分一在西門外係前州

牧戈捐俸置用錢九十六千二百文買
州民李連璧陳好孔地十畝六分九釐